

黃帝陰符經

元陽子頌

神仙抱一演道章

觀天之道執天之行盡矣

在天垂象化元精

得一觀天無別行

故天有五賊見之者昌

惠覺心通九一光

若教淨世因修得

五賊在心施行乎天

道藏輯要

陰符經頌

素

斗集六  
川上

五賊尅伏轉天關

次第分飛證九還

咫尺金華門豁啟

淮南王採不為難

宇宙在乎手萬化生乎身

妙手能搏日月光

出身萬象卦牙黃

道之宇宙無瑕謫

不悟焉知坎裏陽

天性人也人心機也

天利人和宇宙同

人心至感道機通

靈元豈是無情物

得路焉知成有功

立天之道以定人也

天一陽光顯照西

木三青氣以為妻

水銀不是真鉛力

坎子如何認得主

天發殺機移星易宿地發殺機龍蛇起陸

天補將軍丙化權

龍蛇出陸罷潺湲

太清海變蓬萊島

鎮在庚辛位獨尊

人發殺機天地反覆

人興殺氣布炎宮

貓鼠交馳不見蹤

既濟往來龍虎見

坎離翻覆定難窮

天人合發萬變定機

人天定蹟合雙弦

進退輝光曉夜遷

萬變既通神室內

本基剛定一丹田

道藏輯要

陰符經頌

卷

斗集六

性有巧拙可以伏藏

積德圓成大辨音

智愚人法兩機沉

目前雲路道非遠

拙解應難為得心

九竅之邪在乎三要

有鼎防姦應八門

密封三要制陽魂

復交運轉通消息

申得功成直至坤

可以動靜火生於木禍發必尅奸生於國時動必潰

木生眞火禍成恩

轉體剛金位更尊

法象不全仁義充

路元何處覓奸門

知之修鍊謂之聖人

仙骨能通上下真

知之重顯不凡身

鍊鉛若得流珠住

太陽應力助於人

富國安民演法章

天生天殺道之理也

赤髓生來降白天

遇陽與殺卻歸鉛

水銀一味仙家祿

佳火應知不偶然

天地萬物之盜

天地元開覆載門

森羅萬象液乾坤

可憐造化區區盜

五賊交橫曉夜奔

萬物人之盜

道藏輯要

陰符經頌

矣

斗集六

人求地利顯多同

興廢焉知造化功

恍惚有鉛何不盜

悠悠虛過百年中

人萬物之盜

饑食寒衣養色身

不知浮幻盜心神

何如究取陰符理

免被榮枯賺殺人

三盜既宜三才既安故曰食其時百骸理動其機萬化安

三盜同元入兌宮

四時遭遇賴金公

仙桃美熟延筋骨

百怪機關速命通

人知其神而神不知不神而所以神也

功道由來立紀綱

有神須假法威光



白金晦跡誰能測

太一知來助聖皇

日月有數大小有定聖功生焉神明出焉

魂魄靈蹤九一興

復遷交精定相應

聖功漸覺香氣郁

神裏來宮必上昇

其盜機也天下莫能見莫能知也

萬萬神機功覆元

人人盡見莫能詮

積陰居解陰知悟

石火光中得遇蓮

君子得之固窮小人得之輕命

道士防姦鍊鼎心

刀圭變老旋填陰

愚夫小利天宮法

輕命唯崇點化金

道藏輯要

陰符經頌

李元

斗集六

強兵戰勝演術章

瞽者善聽聾者善視絕利一源用師十倍

視聽行師絕利源

華池截頸削奸煩

採鉛百日仙鄉近

立降流珠對子桓

三反晝夜用師萬倍

日月年開曉夜光

尅時三濟幾相當

算來萬倍功成巖

顯是長生太上皇

心生於物死於物機在目天之無恩而大恩生迅雷烈風莫不

蠢然

目分萬望掌乾坤

對境心崇不二門

泄在蠢然恩在已

物標生死住陽魂

至樂性餘至靜性廉

舉功瀟洒離囂諠

任意遨遊逸道源

守納固閑廉已靜

一鑪丹飯壽千年

天之至私用之至公禽之制在氣

天之制禽飛入神

舉之功用未惟新

卯生金玉潛通碧

戊亥為良火要津

生者死之根死者生之根

有生根死死為神

殺汞成丹活得人

若離五行應不盜

未通元理卒難陳

道藏輯要

陰符經頌

丰

斗集六

恩生於害害生於恩

月魂恩生胞在離

又憑庚氏奪金姝

當從害上恩生惠

特地全由五兆龜

愚人以天地文理聖

從凡入聖歷崎嶇

道合乾坤法有無

袞芥投峯還自住

了知元會不同愚

我以時物文理哲

四時薄氣在陰陽

神水會清轉醴漿

平地上有鉛鉛豈錫

但窮天理妙斟量

自然之道靜故天地萬物生

二儀交泰氣調和

物象彫鐫似琢磨

動靜全由鳥兔力

易元我在石人歌

天地之道浸故陰陽勝

地昇天降理元珠

入妙還同水躍魚

陽動陰消神自聖

日魂月魄昧來無

陰陽相推而變化順矣

相生相尅互包藏

變化鉛飛石鍊鋼

否極泰來歸順矣

眼前誰不是陰陽

是故聖人知自然之道不可違故因而制之

神仙制氣指元機

金石陰陽不可違

道藏輯要

陰符經頌

卷

斗集

惠用一門先聖易

自然鼎道合天機

至靜之道律歷所不能契鳥獸之位也爰有奇器是生萬象

全陽至靜道冲虛

本末宰教律歷拘

橐籥既無藏鳥獸

彼中方有混元圖

八卦甲子神機鬼藏

離頭坎水巽金精

兌入龍宮震玉清

甲會丙壬乾鬼藏

庚辛機艮必坤成

陰陽相勝之術昭昭乎

姤女求媒欲住顏

黃君聽聖直臨軒

相攜同入金華頂

盡日乾坤掌內閑



進乎象矣

回顧塵凡好忖思

進程有路會仙岐

但求已上陰符理

天道分明有見知

道藏輯要

陰符經頌

三

斗集六  
×十一

正一天師清微弟子共百堅製作

道教學術資訊網站